

Festival Kebudayaan dan Warisan Politeknik 2 Jun ini

KUALA LUMPUR – Jabatan Pengajian Politeknik Malaysia akan menganjurkan Festival Kebudayaan dan Warisan Politeknik yang bakal berlangsung di Politeknik Seberang Perai. (PSP), Pulau Pinang bermula dari 2 hingga 5 Jun ini.

Pengarah PSP, Zulkifli Ariffin (**gambar**)



berkata, tujuan program tersebut diadakan untuk mendidik masyarakat mengenai kepentingan nilai budaya, seni dan warisan turun temurun yang semakin pupus dalam kalangan beliau.

“Penganjuran festival tersebut dilihat mampu mencungkil bakat-bakat terpendam yang ada di dalam diri pelajar itu sendiri.

“Ini merupakan salah satu cara pihak politeknik mendidik dan meningkatkan ap-



resiasi pelajar terhadap kesenian dan kebudayaan,” ujarnya.

Sebanyak 22 politeknik akan mengambil bahagian dalam festival berkenaan dan melibatkan lebih kurang 500 pelajar dan pegawai dari seluruh politeknik.

Festival tersebut merupakan acara tahunan politeknik dan penganjuran kali ini adalah yang ketiga diadakan.

Kata Zulkifli, sebanyak tiga kategori akan dipertandingkan pada festival kali ini.

“Ketiga-tiga kategori tersebut ialah Tarian Rampaian Tradisional Kreatif, deklarasi sajak, lakonan dan nostalgia P. Ramlee,” katanya.

Kosmo 30/5/2013 M/S 18